

**JP REGIONALNA DEPONIJA
„EKO DEP“ DOO BIJELJINA
MILOŠA CRNJANSKOG 38
76300 BIJELJINA
Tel. 224-830
Broj: 03-218/21
Bijeljina, 11.02.2021. god.**

**NAPOMENE UZ ZAVRŠNI OBRAČUN
01.01. – 31.12.2020 GOD.**

Uvodne napomene:

Grad Bijeljina i Opštine Lopare, Ugljevik, Čelić i Teočak kao osnivači JP „EKO-DEP“ doo Bijeljina, potpisale su Ugovor, br. 02-370-153/05 od 16.03.2005. godine, o osnivanju Regionalnog preduzeća u cilju izgradnje sanitarne ekološke deponije za potrebe ovih opština. Sredstva za izgradnju sanitarne deponije predviđena su iz kredita Svjetske banke koja su izričito namijenjena za izgradnju ovakvih objekata infrastrukture.

Preduzeće je registrovano u Osnovnom sudu Bijeljina po rješenju broj 1-5864 od 09.05.2005. god. sa osnovnom djelatnošću 90020, prikupljanje i obrada ostalog otpada. Urađeno je usklađivanje sa novom klasifikacijom djelatnosti (objavljenom u sl.gl. RS 74/10), po obavještenju br.27780 Rep. zavoda za statistiku nova šifra djelatnosti je 38.21 obrada i odlaganje neopasnog otpada i isto je registrovano kod Okružnog privrednog suda po rješenju 059-0-reg-11-000689 od 01.11.2011. god. Matični broj preduzeća je 01991388 sa upisanim i uplaćenim osnovnim kapitalom od 20.000,00 KM. Urađena je preregistracija Preduzeća u DOO, rješenje 059-0-reg-12-000396 od 09.11.2012. god. u skladu sa izmjenama Zakona o javnim preduzećima (sl. gl. RS 78/11 član 2) i Zakona o privrednim društvima (sl.gl. RS 127/08 i izmjene sl. gl. RS 100/11), kada je potpisan i novi ugovor o osnivanju br. 01-473/12 od 03.05.2012. god.

Članovi Skupštine:

- Slobodan Trifković (Bijeljina),
- Đoko Simić (Ugljevik),
- Davor Vičić (Lopare),
- Mirzet Turkušić (Čelić) i
- Dževad Salkanović (Teočak).

Članovi Nadzornog odbora su :

- Mladen Krasavac - Bijeljina ,
- Silvija Zekić - Ugljevik ,
- Bogdana Mitrović - Lopare,
- Alena Trutović - Čelić i
- Izet Jusić – Teočak.

Svi članovi, imenovani u organe uprave Preduzeća, imaju mandat četiri godine (imenovanja izvršena u maju i junu 2018. godine). Održano je 6 sjednica Nadzornog odbora i 1 sjednica Skupštine u ovom obračunskom periodu.

Dragiša Marjanović je imenovan na mjesto direktora Preduzeća, po odluci Nadzornog odbora br. 07-01-07/18 od 18.06.2018. godine, na mandat od četiri godine.

Odlukom 07-23-63/17 za v.d. Izvršnog direktora za tehničke poslove, planiranje i investicije imenovan je Stajić Mirko i dato mu je ovlaštenje za potpis ugovora i naloga za plaćanje.

Sjedište Preduzeća je na adresi Miloša Crnjanskog br.38, gdje je pod zakup uzeto 5 kancelarija. Na dan 31.12.2020. godine ukupno zaposlenih je 22 radnika, 21 na neodređeno vrijeme i jedan na određeno. Broj zaposlenih radnika je dovoljan za obavljanje trenutnog obima djelatnosti.

Preduzeće vodi knjige na principima dvojnog knjigovodstva, formirajući glavnu i pomoćne knjige evidencija. Sva knjiženja i kontrole su zasnovane na Pravilniku o računovodstvu, računovodstvenim politikama i reviziji, koji je usvojen od strane Nadzornog odbora, odluka br. 07-15-25/16, koji je usaglašen sa novim Zakonom o računovodstvu i reviziji RS, objavljen u sl. gl. RS br. 94/15 od 16.11.2015. god. Prilikom izrade finansijskog izvještaja primijenjeni su (u obimu koji se mogu primjeniti) principi punog seta MRS i MSFL, bez obzira što je u kategoriji malih jer je preduzeće od javnog interesa. Finansijski izvještaj preduzeća JP „EKO-DEP“ DOO Bijeljina za period 01.01.-31.12.2020. god. zasnovan je na primjeni sledećih računovodstvenih načela:

- načelo dosljednosti – način procenjivanja bilansnih pozicija ne mijenja se u dužem vremenskom periodu,

- načelo opreznosti – imovina se vrednuje po principu niže vrijednosti, a obaveze po principu više vrijednosti,

- načelo uzročnosti – uzimaju se u obzir svi prihodi obračunskog perioda, bez obzira na momenat naplate, i svi rashodi, bez obzira na datum plaćanja istih,

- načelo pojedinačnog procenjivanja – pri čemu eventualna grupna procenjivanja proističu iz pojedinačnih procjena,

- načelo identiteta – bilans otvaranja poslovnih knjiga za tekuću godinu mora da bude identičan zaključnom listu prethodne godine.

Načelo stalnosti poslovanja je dovedeno u pitanje u 2018. godini iz dva razloga:

- 1.) Preduzeće je poslovalo sa gubitkom u iznosu 208.858 KM, do kojeg je došlo zbog smanjenja poslovnih i drugih prihoda, kao i povećanja negativnih kursnih razlika na neotplaćeni dio dugoročnih kredita i

- 2.) Izgradnja treće ćelije nije započeta zbog nedostatka sredstava, a stare su skoro 100% popunjene.

U toku 2019. godine bilo je evidentno poboljšanje poslovanja Preduzeća, što se odrazilo i na rezultat, zbog povećanja cijena sa 40,00 KM na 50,00 KM/t (sa uračunatim pdv-om) i povećanje količine deponovanja čvrstog komunalnog otpada, za cca 3.000 t više u odnosu na prethodni obračunski period, što je uticalo na povećanje prihoda (izraženo u procentima povećanje prihoda bilo je za 27,75%). Grad Bijeljina je obezbijedio sredstva za izgradnju dijela treće ćelije i većina građevinskih radova završeni su do kraja 2019. godine. U ovom obračunskom periodu radovi su okončani i u decembru je dobijena Dozvola za upravljanje otpadom za ovu ćeliju nakon čega je objekat stavljen u upotrebu (zapisnik br. 01-1441/20) čime je obezbijeđen nesmetan prijem i deponovanje otpada u narednih nekoliko godina. Nastavljeno je plaćanje kreditnih obaveza aktiviranjem mjenica od garanta, jer u momentu dospjeća rata Preduzeće nije imalo dovoljno likvidnih sredstava, čime se obaveza prema osnivačima povećala, a obaveza za kredite smanjila. Otplata obaveza prema osnivačima izmirivana je putem multilateralnih kompenzacija.

Cijena za odlaganje komunalnog otpada je u primjeni od 01.03.2019. godine u iznosu 50,00 KM/t sa PDV (odluka Skupštine Grada Bijeljina br. 01-022-6/19). Od 01.09.2015. god. promijenjena je cijena odlaganja miješanog građevinskog šuta na 2,00 KM/t i betona lomljenog na 2,00 KM/t. U skladu sa odlukom NO br. 07-09-42/15 od 24.08.2015. god. ove

cijene su i dalje u primjeni. Po odluci NO broj 07-25-84/17 od 27.11.2017. god. je utvrđena cijena usluga rada građevinskih mašina sa rukovaocem po satu rada i to: kompaktor 150,00 KM, buldozer 140,00 KM, skip 90,00 KM, rovokopač 90,00 KM i kamion 45,00 KM (cijene su sa PDV-om) i iste su bile u primjeni u ovom obračunskom periodu. Ne vrši se deponovanje fekalnog otpada.

Obračun je urađen u skladu sa Pravilnicima o sadržaju i formi obrazaca, koji su objavljeni u sl. gl. RS 62/16 i 63/16. Obračun je potpisan od strane direktora Dragiše Marjanovića i šefa računovodstva Vesne Jakovljević.

Po iskazanim podacima za period 01.01.-31.12.2020. godine Preduzeće je poslovalo pozitivno.

I BILANS STANJA (Izvještaj o finansijskom položaju)

Napomena br. 1 (AOP 001)

Stalnu imovinu preduzeća čini sledeće:

- građevinski objekti (poslije obračuna amortizacije)	5.819.686,70 KM
- postrojenja,oprema i inventar (poslije obračuna amortizacije)	1.637.538,09 KM
- OS u pripremi	<u>53.110,31 KM</u>
Ukupno:	7.510.335,10 KM

Sva sredstva evidentirana su po nabavnoj vrijednosti i na njih se obračunava amortizacija linearnom metodom, tokom procijenjenog vijeka korištenja sredstva. Ukupna amortizacija za period 01.01.-31.12.2020. god. je 307.913,90 KM. Obračun amortizacije se vrši na osnovu utvrđenih stopa iz Pravilnika o nomenklaturi osnovnih sredstava, saglasno Standardu 16 paragraf 47 i primjenjene su sledeće amortizacione stope:

	Stopa amort. - %	Vijek upotrebe - godina
- građevinski objekti na deponiji	2.5	40
- ograda deponije	3.5	28.5
- vagarska kućica, trafo i portirska kućica	5	20
- vodovodna mreža	8	12.5
- buldozer,caterpillar	5	20
- kancelarijski namještaj	12.5	8
- traktor i priključne mašine	7.15-12	8.3-14
- računari	20	5

Amortizacione stope su utvrđene prilikom stavljanja sredstava u upotrebu i nisu mijenjane u toku amortizacionog perioda (iste su usaglašene sa Pravilnikom o primjeni amortizacionih stopa, Službeni glasnik Republike Srpske br. 47/16).

U ovom obračunskom periodu završena izgradnja treće ćelije za koju je Grad Bijeljina obezbijedio sredstva, koja je u upotrebu stavljena u decembru, tako da na nju nije obračunavana amortizacija. Izvršena je nabavka opreme i inventara u vrijednosti 57.622,63 KM od čega je uređaj za doziranje preparata za biološki tretman procjednih voda vrijednosti 54.944,00 KM, a ostalo se odnosi na zamjenu 3 fotelje, 3 monitora i 3 računara.

U evidenciji „osnovna sredstva u pripremi“ nalaze se:

- dvije potopne pumpe vrijednosti 776,92 KM,

- projekat izgradnje grijanja na deponijski gas za poslovnu zgradu u krugu deponije, iznos 12.483,39 KM,
- projekat drugostepenog postrojenja za prečistač procjednih voda, iznos 14.950,00 KM,
- projekat reciklažnog dvorišta, iznos 24.900,00 KM.

Urađen je kompletan popis na dan 31.12.2020. godine osnovnih sredstava, stanja u skladištima, obaveze, potraživanja i kapital, koji je prezentovan organima uprave i isti je usvojen odlukom Nadzornog odbora br. 07-19-111/21 od 25.01.2021. god. Po ocjeni komisije i uprave preduzeća osnovna sredstva su iskazana po realnim vrijednostima i nema potrebe vršiti procjenu istih. Otpis je rađen tokom godine, u skladu sa ukazanom potrebom i to otpis:

- sredstva zaštite na radu u skladištu zbog isteka vijeka trajanja po zapisniku br.01-192/20 od 10.02.2020. godine, ukupne vrijednosti 1.458,45 KM i sredstva ZNR u upotrebi vrijednosti 6.296,94 KM (odluka o usvajanju zapisnika 07-15-81/20 od 26.05.2020. god.) i
- rashodovanih sredstava koja su evidentirana prilikom pripreme za popis (odluka br.07-18-105/20 od 23.11.2020. godine).

Napomena br. 2 (AOP 031)

Tekuća imovina sastoji se od sledećeg:

-stanje zaliha	17.852,40 KM
-potraživanja od kupaca	298.140,10 KM
-ispravka vrijednosti potraživanja od kupaca	- 9.274,23 KM
-ostala kratkoročna potraživanja	14.116,28 KM
- PDV-odbitni, po računima koji su stigli nakon prijave za 12/20	1.457,13 KM
- PDV –poreski kredit	3.357,30 KM
-ukupna gotovina	302.836,33 KM
-aktivna vremenska razgraničenja	<u>416.716,62 KM</u>

Ukupno: 1.045.201,93 KM

Zalihe se u knjigovodstvu evidentiraju po nabavnoj vrijednosti, a obračun utroška zaliha vrši se po metodu prosječne ponderisane vrijednosti, u skladu sa Pravilnikom o računovodstvu. Stanje zaliha obuhvataju neutrošeno gorivo, kancelarijski materijal, alat i sitan inventar čiji je vijek trajanja kraći od godinu dana, rezervni dijelovi za održavanje, oprema ZNR koja nije data na upotrebu korisnicima iste i materijal za održavanje higijene.

Kratkoročna potraživanja u knjigovodstvu se vode po nominalnoj vrijednosti, a čine ih potraživanja od kupaca na dan bilansiranja, potraživanja za ugovorenu kamatu, odbitni PDV u fakturama koje su stigle nakon slanja prijave, plaćen porez na dobit po osnovu mjesečnih akontacija, gotovina na žiro računima i u blagajni i aktivna vremenska razgraničenja po osnovu odluke NO br.07-19-14/17. Ispravka vrijednosti potraživanja od kupaca, iznos 9.274,23 KM, odnosi se na potraživanja iz 2019. godine od povezanog lica JKP Čistoća doo Lopare, a koje nije utuženo jer su priznali potraživanje po IOS-u i plaćaju u skladu sa svojim mogućnostima. Ispravka je usvojena odlukom NO br. 07-19-109/21 od 25.01.2021. godine. Ostali kupci plaćaju u okviru valutnog roka i nema zastare ni jednog potraživanja. Ugovori sa kupcima koji deponuju otpad su potpisani 2019. godine nakon promjene cijene deponovanja i isti su na snazi bili i u ovom obračunskom periodu.

Zakonska zatezna kamata se obračunava uz zaduženje na kraju mjeseca, za svako prekoračenje valutnog roka koji je do 31.03.2017.god. bio 30 dana. Od 01.04.2017. god. u

primjeni je valutni rok od 60 dana (odluka NO br. 07-20-27/17). Potraživanja po osnovu fakturiranih zatezних kamata su odvojena na posebna konta, u skladu sa kontnim okvirom i zahtjevom Glavne službe za reviziju javnog sektora, i na dan 31.12.2020. god. iznose 3.109,12 KM, od čega je najveće potraživanje od JKP Čistoća Lopare. Osim zatezних kamata na ostalim kratkoročnim potraživanjima nalazi se:

- plaćene akontacije poreza na dobit iz ranijeg perioda, kao i akontacije koje su plaćane mjesečno tokom ove godine, ukupan iznos je 10.191,87 KM i
- potraživanja od Fonda zdravstvenog osiguranja u iznosu 815,29 KM za refundaciju bolovanja.

Potraživanja od kupaca-povezanih lica su odvojena na posebna konta u skladu sa propisanim kontnim okvirom. Svi ugovori su zaključeni na istim principima i sa istim uslovima kao i za ostala pravna lica, tako da niko nije imao povlastice u poslovanju bez obzira da li je ili nije povezano lice. Urađen je Izvještaj o realizaciji ugovora sa povezanim licima na dan 31.12.2020. god. koji će biti prezentovan na sjednicama Skupštine i Nadzornog odbora. Radi usaglašavanja stanja poslani su IOS-i svim kupcima, ukupno 28, od čega je vraćeno 14 i nije bilo osporavanja prikazanog salda. Dugovanja pojedinačno po kupcima su: Komunalac ad Bijeljina iznos 165.931,25 KM, Kompred ad Ugljevik iznos 14.707,57 KM, JKP Čistoća Lopare iznos 83.638,36 KM, Dule-trgotrans doo Dvorovi iznos 23.303,45 KM, EKO RADEX doo iznos 271,55 KM, PATRIOT doo Bijeljina iznos 157,01 KM, JKP Teočak iznos 13.149,01 KM i ostali kupci ukupno 92,02 KM (iznosi su izraženi zajedno sa kamatom kod koga je izvršen obračun).

Gotovinu čine sredstva na žiro računima kod NAŠE BANKE i to glavni račun, namjenski za osnivački kapital i devizni žiro račun i u banci INTESA SANPAOLO kao i gotovina zatečena u blagajni na dan bilansiranja. U skladu sa Zakonom o unutrašnjem platnom prometu (sl. gl. RS 52/12) žiro račun broj 554-001-00003414-24 u Našoj banci (ranije Pavlović banka) proglašen je za glavni račun i saldo na tom računu na dan obračuna iznosi 6.117,79 KM. Po navedenom zakonu odobreno je otvaranje više namjenskih žiro računa u istoj banci, pa je otvoren i žiro račun za sredstva osnivačkog kapitala broj 554-001-00004523-92 na kome je saldo 19.993,82 KM. Potpisnici naloga za plaćanje sa ovih računa su direktor i v.d. izvršni direktor, s tim da nije kolektivno potpisivanje (nalog je validan sa jednim potpisom). U banci INTESA SANPAOLO aktivan je žiro računa broj 154-360-20087271-52, saldo na dan 31.12.2020. godine iznosi 276.265,71 KM, a potpisnici naloga za plaćanje sa ovog računa su direktor i šef računovodstva, ali nije kolektivno potpisivanje. Stanja na žiro računima su usaglašena putem IOS-a. U Novoj banci bio je aktivan žiro račun (broj žr 555-000-00450720-38) od septembra 2019. godine namijenjen za prenos sredstava Grada Bijeljina za izgradnju treće ćelije i plaćanje dobavljaču sa kojim je potpisan ugovor. Obzirom da je izgradnja treće ćelije završena i da su namjenska sredstva utrošena navedeni žiro račun je zatvoren na dan 08.07.2020.godine (dostavljena potvrda o zatvaranju računa).

Tokom septembra 2016.god. izvršena je revizija poslovanja za 2015 god. od strane Glavne službe za reviziju javnog sektora RS. U izvještaju dato je „mišljenje sa rezervom“ iz razloga neobračunavanja kursnih razlika na ukupan iznos kredita u skladu sa MRS 21. Navedena situacija je razmatrana na sjednici Nadzornog odbora i kao zaključak je donesena odluka br.07-19-14/17 da se obračunate kursne razlike ne knjiže na troškove, nego da se proknjiže kao ostala aktivna vremenska razgraničenja i da se tokom otplate kredita prenosi na troškove za iznos obračunate pozitivne kursne razlike, a negativne na troškove perioda. Kursne razlike u ovom obračunskom periodu su bile pozitivne i to u iznosu 141.880,86 KM tako da je saldo aktivnih vremenskih razgraničenja smanjeno u odnosu na prethodni obračunski period i na dan 31.12.2020. godine iznose 416.716,62 KM.

Napomena br. 3 (AOP 101)

Strukturu kapitala preduzeća čine:

- osnivački kapital	20.000,00 KM
- formirane rezerve iz raspodjele dobiti	26.740,20 KM
- neraspoređena dobit iz ranijih godina	164,15 KM
- neraspoređena dobit tekuće godine	<u>208.653,77 KM</u>
Ukupno:	255.558,12 KM

Osnovni kapital je 20.000,00 KM po Ugovoru o osnivanju br. 02-370-1536/05 koji su osnivači uplatili na žiro račun preduzeća. Izraženo u procentima osnivački kapital sastoji se od: 67% Grad Bijeljina, 10% SO Ugljevik, 10% SO Lopare, 8% OV Čelić i 5% OV Teočak. U ovom periodu nije bilo promjena ni u visini ni u strukturi kapitala.

Po odluci Skupštine preduzeća br. 06-05-43/20, održanoj 15.06.2020. god. neto dobit iz 2019. godine u iznosu od 47.120,35 KM raspoređuje se na pokriće gubitka iz prethodnog perioda (dio iz 2018. godine) u iznosu 46.013,80 KM, na ostale rezerve (po odluci Skupštine grada 2% od dobiti za zeleni pojas) u iznosu 942,40 KM i na neraspoređenu dobit iznos 164,15 KM.

Ukupne rezerve do 31.12.2020. godine 26.740,20 KM. Tokom prethodnih perioda na rezerve se redovno raspoređivao dio dobiti prilikom razmatranja i donošenja odluke o finansijskom obračunu na sjednici Skupštine preduzeća (po Statutu raspodjela dobiti ili pokriće gubitka je u nadležnosti Skupštine). Izuzetak je 2018. godina kada je iskazan gubitak i dio rezervi je iskorišćen za pokriće gubitka (odluka Skupštine broj 06-04-30/19). U 2020. godini nabavljene su kanadske topole za dopunjavanje zelenog pojasa koje su po fakturi knjižene direktno na ostale rezerve (formirane po odluci Skupštine grada kao namjeska sredstva za zaštitni zeleni pojas).

U ovom obračunskom periodu iskazana neto dobit je 208.653,77 KM. Tokom ovog obračunskog periodu nije bilo promjene cijene, a količine deponovanog otpada su ostale na nivou iz 2019. godine. Razlika tj. povećanje poslovnih prihoda za cca 26.000 KM, u poređenju sa prethodnom godinom, nastala je zbog primjene stare cijene u prva dva mjeseca 2019. godine, dok je u 2020. godini u primjeni nova cijena za cijeli obračunski period.

S druge strane evidentno je smanjenje troškova i to:

-troškovi goriva za cca 36.000 KM, iz razloga što je osposobljena treća ćelija za prijem otpada tako da je došlo do smanjenja manipulativnog prostora deponovanja i umanjenja radnih sati mašina koje vrše razgrtanje i sabijanje otpada,

-troškovi amortizacije za cca 30.000 KM, iz razloga što su neka osnovna sredstva izgubila knjigovodstvenu vrijednost pa nema obračuna amortizacije i

-nema negativne kursne razlike koja direktno utiče na rezultat poslovanja (prethodne godine obračunate negativne kursne razlike u iznosu 78.300 KM).

Napomena br. 4 (AOP 135)

Ukupne obaveze preduzeća su 8.299.978,91 KM i to:

-dugoročna rezervisanja	60.410,61 KM
-dugoročni krediti	3.506.973,36 KM
-dio dugoročnog kredita koji dospjeva za otplatu do 31.12.2021.	789.044,75 KM
-ostale kratkoročne finan.obaveze	1.421,71 KM
-obaveze prema dobavljačima	34.597,92 KM
-obaveze prema Osnivačima	2.283.551,14 KM
-ostale obaveze	675,43 KM

-obaveze za PDV	16.125,46 KM
-obaveze za ostale poreze i doprinose	956,31 KM
-pasivna vremenska razgraničenja	<u>1.606.222,22 KM</u>
	8.299.978,91 KM

Na prijedlog pravne službe preduzeća Nadzorni odbor je usvojio odluku broj 07-19-110/21 o rezervisanju sredstava po osnovu tužbenog zahtjeva opštine Čelić (20% vrijednosti tužbenog zahtjeva), u skladu sa članom 28 Pravilnika o računovodstvu i računovodstvenim politikama. Naime sudski postupak je u toku, ali zbog situacije sa pandemijom nije održano ni jedno ročište pa se očekuje nakon ukidanja mjera, koje su trenutno na snazi, da će biti nastavljena procedura postupka i da bi moglo doći do odliva sredstava.

Dugoročni krediti, ostatak neplaćenih rata, preračunati su po kursnoj listi br. 259 (po kursu 1SDR= 2,315409 KM) što je usaglašeno po IOS-u Ministarstva finansija. Otplata rata po kreditima Svjetske banke vrši se po instrukcijama Ministarstva finansija, koje je u skladu sa Okvirnim sporazumom dužno iste dostaviti u pisanoj formi. S obzirom da Preduzeću nedostaju novčana sredstva za otplatu, što je navedeno u uvodnom dijelu, nastavljena je praksa Ministarstva da aktiviranjem mjenica garanata vrše naplatu dospjelih rata kredita od Opština osnivača. Na isti način su naplaćene i obaveze za servisni trošak po oba kredita WB IDA i kamata po kreditu IBRD, jer su Osnivači garanti po kreditima i pratećim troškovima za te kredite.

Urađen je prenos dijela dugoročnog kredita koji dopijeva u roku od 12 mjeseci na kratkoročne obaveze po kursu na dan i to:

- 22. i 23. rata (iznos rate 46.732 SDR) Početnog kredita WB IDA 36720, saldo na konto 4241 na dan 31.12.2020. god. su dvije rate što ukupno iznosi 227.623,55 KM,
- 12. i 13. rata Dodatnog kredita WB IDA 36721 (iznos rate 82.800 SDR), tako da dvije rate iznose ukupno 403.314,38 KM na kontu 42411,
- 10. i 11. rata Zajma WB IBRD broj 7629 BA po Drugom projektu za upravljanje čvrstim otpadom (Sl. gl. RS 50/09), tako da saldo na kontu 42412 na dan 31.12.2020. god. iznosi 158.106,82 KM.

U periodu 01.01.- 31.12.2020. godine isplaćene su:

- 20. i 21. rata Početnog kredita WB IDA 36720,
- 10. i 11. rata Dodatnog kredita WB IDA 36721 i
- 7. 8. i 9. rata Zajma WB IBRD broj 7629 BA.

Po dopisima Ministarstva finansija o naplati od garanata urađen je prenos obaveza za kredite na obaveze prema Osnivačima (prenos za otplatu kredita i ostalih troškova po kreditima, u toku ovog obračunskog perioda, iznosi ukupno 851.478,99 KM). Osim uplata po kreditima na obaveze prema Osnivačima knjiže se i otplate servisnih troškova i obračunatih kamata u skladu sa Sporazumima. Dio obaveza prema Osnivačima u toku obračunskog perioda otplaćeno je uglavnom preko multilateralne kompenzacija (ukupno 303.655,60 KM što je oko 36 % iznosa naplaćenih rata u toku ovog perioda), a ostatak i saldo iz prethodnih godina, u ukupnom iznosu od 2.283.551,14 KM, je ostao na obavezama koje bi trebalo otplatiti u narednom periodu. Obzirom da Preduzeću i dalje nedostaju likvidna sredstva za otplatu kredita obaveze prema osnivačima su povećane u odnosu na prethodni period. Usaglašena su stanja obaveza sa sledećim Osnivačima: Bijeljina , Ugljevik i Teočak.

Obaveze prema dobavljačima su potraživanja dobavljača po fakturama koje su primljene u poslednjoj dekadi decembra i sve će biti plaćene u skladu sa zaključenim ugovorima i valutnim rokovima. U ovom obračunskom periodu nije bilo kašnjenja u plaćanju dobavljačima ni prekoračenja ugovorenog valutnog roka. Isto kao i za potraživanja od

kupaca-povezanih lica tako i obaveze dobavljačima-povezanim licima odvojena su na posebna konta u skladu sa propisanim novim kontnim okvirom od 01.01.2015.god. Svi ugovori su zaključeni na istim principima i pod istim uslovima tako da nismo ostvarili povlastice u poslovanju bez obzira da li je ili nije dobavljač povezano lice. Ukupno je stiglo 19 IOS-a na koje nismo imali primjedbe. Ostali dobavljači nisu dostavili usaglašavanje stanja (ukupno je bilo prometa sa 81 dobavljačem tokom ovog obračunskog perioda).

Ostale obaveze iznose 675,43 KM i odnose se na članarinu spoljnotrgovinskoj komori za četvrti kvartal i dio kamata po IBRD kreditu koje su ostale neplaćene u ovom periodu (dio se odnosi na obavezu opštine Teočak).

Obaveze po osnovu PDV su obaveze obračunate po prijavi za decembar i izmirene su u januaru 2021. godine.

Obaveze za ostale poreze i doprinose su nastale po godišnjem obračunu PP ON i to:	
-naknada za korištenje opštekorisnih funkcija šuma	668,68 KM
-protivpožarna naknada 0,03%	241,17 KM
-naknada za vode po obračunu	<u>46,46 KM.</u>
	956,31 KM

U ovom obračunskom periodu na kontu pasivnih vremenskih razgraničenja ostala su sredstva u iznosu 1.600.000,00 KM koje je Grad Bijeljina obezbijedio za izgradnju treće ćelije jer nije bilo obračuna amortizacije za istu. Treća ćelija je stavljena u upotrebu u decembru 2020. godine, nakon dobijanja dozvole za upravljanje otpadom. Odlukom Skupštine Grada broj 01-022-2/20 od 18.02.2020. godine definiše se da se ulaganje u treću ćeliju knjiži u knjigama JP EKO-DEP i da je to osnovno sredstvo preduzeća, pa shodno tome Nadzorni odbor je usvojio odluku broj 07-15-88/20 da će sredstva biti oprihodovana godišnje u iznosu obračunate amortizacije i troškova održavanja navedene ćelije tokom vijeka upotrebe iste. Na kontu razgraničenih prihoda nalazi se i iznos 6.222,22 KM što je vrijednost primljenih zaštitnih sredstava od asocijacije BASWA po zapisniku broj 03-1464/20.

Zemljište, kč 1460 površine 221.220 m², koje je dobijeno na korištenje po odluci 01-022-67/06, i dalje se vodi u vanbilansnoj evidenciji po vrijednosti 209.495,00 KM koliko je Opština isplatila PD Semberiji (sl. gl. Opštine Bijeljina br. 8/06 od 02.06.2006. god.).

II BILANS USPJEHA (Izveštaj o ukupnom rezultatu u periodu)

Napomena br. 5 (AOP 201)

Fakture se knjiže na prihode na obračunskoj osnovi umanjena za iznos PDV koji se knjiži na obaveze. Sa komitentima koji imaju registrovanu komunalnu djelatnost zaključeni su ugovori o deponovanju otpada, a ostali plaćaju gotovinom na blagajni Preduzeća na osnovu urađenih vagarskih listova u momentu dovoza otpada. Komitentima se dostavljaju fakture svakih petnaest dana, s tim da se obračun kamata vrši na kraju mjeseca. Svi ugovori su zaključeni na istim principima i pod istim uslovima tako da nije bilo povlastica u poslovanja bez obzira da li je ili nije kupac povezano lice, odobren cjenovnik je u primjeni prema svim komitentima.

Ukupni poslovni prihodi preduzeća su 1.526.898,67 KM od čega je veći dio po osnovu prihoda od deponovanja otpada (1.498.371,82 KM). Poslovni prihod još čini:

- prihod od uslužnog vaganja (75,00 KM),
- prihodi od odvajanja korisnih komponenti, iznos 7.636,56 KM,
- prihodi od donacija iznos 20.000,00 KM i
- prihodi od refundacije bolovanja, ukupno 815,29KM.

Prihodi od odvajanja korisnih komponenti ostvareni su po osnovu faktura koje se izdaju mjesečno, a po ugovoru zaključenim nakon provedene procedure odabira najpovoljnijeg ponuđača (za 2020. godinu ugovor br.01-1679/19).

Prihodi od donacija odnose se na nepovratna sredstva dobijena po ugovoru broj 556/20 od Fonda za zaštitu životne sredine i namijenjena su za biološki predtretman otpadnih voda.

Napomena br. 6 (AOP 216)

Ukupni poslovni rashodi preduzeća su 1.272.782,39 KM, a čine ih sledeće:

-troškovi materijala, goriva, energije i ostalog režijskog materijala	133.331,62 KM,
-troškovi zarada, naknada i ostalih ličnih primanja	493.372,64 KM,
-troškovi proiz.usluga (održavanje, monitoring, zakup,ptt i sl.)	234.323,68 KM,
-troškovi amortizacije	307.913,90 KM,
-troškovi rezervisanja (po odluci NO 07-19-110/21)	60.410,61 KM,
-troškovi poreza,naknada i taksi po obračunima	5.691,93 KM,
-ostali troškovi (revizije,osiguranje,repres.,bankarski troš.,takse i sl.)	37.738,01 KM.

Troškovi materijala su ostvareni utrošak goriva i maziva za radne mašine i pomoćnu mehanizaciju (63.413,61 KM), troškovi goriva za automobile (3.781,96 KM), fakturisana električna energija (14.400,72 KM), pomoćni materijal za prečistač (7.168,03 KM), troškovi rezervnih dijelova, opreme ZNR i ostali režijski materijal. Sve nabavke u materijalnom knjigovodstvu knjiže se na osnovu pristiglih faktura i primki, po nabavnim cijenama, a svi izlazi se knjiže na osnovu izdatnica, preračunatih po prosječnim ponderisanim cijenama.

Troškovi zarada i naknada obuhvataju ostvarene plate (383.206,37 KM), topli obrok (50.153,55 KM), isplata ostalih naknada isplaćene u skladu sa Zakonom o radu i Kolektivnim ugovorom (prevoz, regres, pomoć i sl. u iznosu 32.411,64 KM), naknade članovima NO (20.833,20 KM), isplate članovima Skupštine (naknada troškova goriva i dnevnice za jednu sjednicu u iznosu od 189,63 KM), ugovori o djelu, dnevnice, ostali troškovi puta i sl. Članovi Nadzornog odbora primaju mjesečnu naknadu u skladu sa odlukom Skupštine „EKO-DEP“ odluke 06-01-11/18, dok se članovima Skupštine isplaćuje dnevnicama po važećim propisima i naknada troškova goriva samo za dane kada prisustvuju sjednicama (odluka 06-01-02/18.od 11.06.2018. god.). Sva obračunata lična primanja odnose se na period 01.01.-31.12.2020. god. i sve je isplaćeno u tom periodu.

Troškovi proizvodnih usluga obuhvataju: troškove monitoringa, koji smo obavezni raditi u skladu sa važećim propisima (iznos 102.000,00 KM), troškove održavanja osnovnih sredstava (servisi, popravke i sl.), zakup kancelarija, PTT troškove, troškove telefona, komunalne usluge, troškove zaštite na radu, troškovi parkinga u mjestu poslovanja i sl. Na održavanje osnovnih sredstava knjižena je i završna prekrivka dijela 1. i 2. ćelije koja je bila uslov za dobijanje upotrebne dozvole za treću ćeliju.

Obračun amortizacije osnovnih sredstava se vrši po isteku obračunskog perioda, što znači da se radi za periodični i završni obračun. Sva osnovna sredstva se vode po nabavnim

cijenama i obračun amortizacije se vrši linearnom metodom po procijenjenom vijeku trajanja. Amortizacija obračunata za period 01.01.- 31.12.2020. godinu iznosi 307.913,90 KM.

Troškovi poreza, doprinosa i taksu po obračunu obuhvataju: porez na imovinu, obaveze po PP ON, vodni doprinos, komunalna i republička taksa.

Pod ostalim troškovima uzeti su u obzir: troškovi platnog prometa, razne takse, oglašavanje, revizija izvještaja i poslovanja, održavanje knjigovodstvenog programa, premije osiguranja, pretplate za stručnu literaturu, seminari, reprezentacija i dr.

Svi troškovi su knjiženi na osnovu prispjele dokumentacije koja je prethodno formalno i računski prekontrolisana, likvidirana i odobrena od ovlašćenih lica.

Napomena br. 7 (AOP 231)

Finansijske prihode Preduzeća čine zakonske zatezne kamate za kašnjenje po valutnom roku, koje obračunavamo uz fakturisanje na kraju mjeseca, u skladu sa ugovorenim valutnim rokom i pozitivne kursne razlike obračunate na dan 31.12.2020. godine. Ukupno fakturisane zatezne kamate za ovaj period iznose 8.026,65 KM , a obračunate pozitivne kursne razlike su 141.880,86 KM.

Napomena br. 8 (AOP 238)

Finansijski rashod u iznosu 179.717,26 KM čine:

- kamata obračunata u skladu sa sporazumom o IBRD kreditu, iznos 8.536,30 KM,
- zatezne kamate po fakturama, iznos 1,54 KM,
- kamate za neblagovr.plaćanje javnih prihoda (po kartici UIO) iznos 864,39 KM,
- rashodi po valutnoj klauzuli u skladu sa Odlukom broj 07-19-14/17, iznos 141.880,86 KM i
- servisni troškovi i komisiona provizija koji su ugovoreni po Supsidijarnom sporazumu i obračunavaju se dva puta godišnje i to sa 15.04. i 15.10. svake godine, a plaćaju se po dostavljanju obračuna istih od strane Ministarstva finansija i za ovaj period obračunati su u iznosu 28.434,17 KM.

Napomena br. 9 (AOP 246-267)

Ostali rashodi su po osnovu rashodovanja opreme i inventara i ispravka potraživanja po odluci NO broj 07-19-109/21 (objašnjeno u napomeni br. 2) i to:

- otpis ostale opreme, ukupne preostale vrijednosti 18,15 KM,
- otpis po skladištima po zapisnicima u toku godine, ukupno 1.993,58 KM i
- ispravka potraživanja od kupca-povezano lice, iznos 9.274,23 KM.

Napomena br. 10 (AOP 294-300)

U prethodnom periodu odobreno je povećanje cijena sa 40,00 KM na 50,00 KM/t sa uračunatim pdv-om, u primjeni od 01.03.2019. godine, a evidentirano je i povećanje količine deponovanja čvrstog komunalnog otpada, za cca 3.000 t više u odnosu na prethodni obračunski period, što je uticalo na povećanje prihoda i ostvarenje dobiti za 2019. godinu u iznosu 49.474 KM (podatak iz kolone prethodna godina).

U ovom obračunskom periodu nije bilo promjene cijene, a i količina deponovanog otpada je ostala na nivou iz 2019. godine. Razlika tj. povećanje poslovnih prihoda za cca 26.000 KM, u poređenju sa prethodnom godinom, nastala je zbog primjene stare cijene u prva

dva mjeseca 2019. godine, dok je u 2020. godini u primjeni nova cijena za cijeli obračunski period.

S druge strane evidentno je smanjenje troškova i to:

-troškovi goriva za cca 36.000 KM, iz razloga što je osposobljena treća ćelija za prijem otpada tako da je došlo smanjenja manipulativnog prostora deponovanja i umanjenja radnih sati mašina koje vrše razgrtanje i sabijanje otpada,

-troškovi amortizacije za cca 30.000 KM, iz razloga što su neka osnovna sredstva izgubila knjigovodstvenu vrijednost pa nema obračuna amortizacije i

-nema negativne kursne razlike koja direktno utiče na rezultat poslovanja (prethodne godine obračunate negativne kursne razlike u iznosu 78.300 KM).

Sve naprijed navedeno dovelo je do povećanja dobiti u ovom obračunskom periodu koja poslije obračuna poreza na dobit iznosi 208.653,77 KM.

III IZVJEŠTAJ O PROMJENAMA NA KAPITALU

Napomena br. 11 (AOP 901-923)

Osnovni kapital je 20.000 KM po Ugovoru o osnivanju koji su osnivači i uplatili na žiro račun Preduzeća i do sada nije bilo promjena u strukturi kapitala (AOP 102 bilansa stanja). Stanje kapitala na dan 31.12.2018. god. je bio -2.354 KM što je posljedica gubitka za 2018. godinu u iznosu 208.858 KM. Naime ukupni kapital iz prethodne godine iznosio je 206.504 KM što nije bilo dovoljno da anulira gubitak iz 2018. godine tako da se pojavio gubitak iznad kapitala u iznosu 2.354 KM. Na redovnoj sjednici Skupštine preduzeća, održanoj 04.04.2019. god. izglasana je odluka br. 06-04-30/19 o usvajanju finansijskog obračuna za 2018. godinu i djelimičnom pokriću gubitka iz raspoložive neraspoređene dobiti ranijih godina i dijelom iz zakonskih i statutarnih rezervi tako da je nakon knjiženja te odluke ostatak na gubitku do visine kapitala ostao iznos 46.014 KM.

Prikazana dobit u bilansu uspjeha za 2019. godinu je 49.474 KM što je dovoljno za pokriće gubitka iznad kapitala i gubitka do visine kapitala iz prethodnog perioda. Na redovnoj sjednici Skupštine preduzeća, održanoj 15.06.2020. god. izglasana je odluka br. 06-05-43/20 o usvajanju finansijskog obračuna za 2019. godinu, pokriću ostatka gubitka (gubitak iznad kapitala i gubitak u iznosu 46.014 KM) i raspoređivanju ostatka dobiti na ostale rezerve i neraspoređenu dobit..

Za 2020. godinu obračunata je bruto dobit u iznosu 213.021 KM i nakon odbitka poreza na dobit prikazan u obrascu 1101 (godišnja poreska prijava poreza na dobit) u iznosu od 4.367 ostatak neto dobiti je 208.654 KM što je prikazano u AOP 294-299 bilansa uspjeha i AOP 119 bilansa stanja.

Ukupne rezerve (zakonske i ostale) koje su do 31.12.2020. godine izdvojene iz dobiti su 26.740 KM (AOP 112). U toku godine nabavljene su kanadske topole za dopunjavanje zelenog pojasa u iznosu 216,00 KM što je direktno isknjiženo sa formiranih rezervi za te namjene (konto 3231).

Ukupan kapital preduzeća na dan 31.12.2020. godine iznosi 255.558 KM što je prikazano i u AOP 101 bilansa stanja.

IV BILANS TOKOVA GOTOVINE (Izvještaj o tokovima gotovine)

Napomena br. 12 (AOP 543-548)

Gotovina na početku obračunskog perioda iznosila je 197.409 KM (AOP 545), što se slaže sa početnim stanjem u glavnoj knjizi i popisom na dan 31.12.2019. god. Gotovina na kraju obračunskog perioda iznosi 302.836 KM (AOP 548) što je i usaglašeno sa stanjem po izvodima i u blagajni kao i sa evidencijom u računovodstvu. Iz priloženog se vidi da je u toku perioda od 01.01.-31.12.2020. god. bio priliv gotovine i to u iznosu 105.427 KM (AOP 543).

Aktivni transakcioni računi su u sledećim bankama:

-NAŠA banka, gdje je otvoren osnovni, osnivački i devizni žiro račun. U skladu sa Zakonom o unutrašnjem platnom prometu (sl. gl. RS 52/12) žiro račun u NAŠOJ (ranije Pavlović) banci broj 554-001-00003414-24 je proglašen za glavni račun. Po zakonu o platnom prometu odobreno je otvaranje više namjenskih žiro računa u istoj banci, pa je otvoren žiro račun broj 554-001-00004523-92 za sredstva osnivačkog kapitala i devizni račun broj 554-780-00085101-32 za plaćanja transakcija sa inostranstvom. Pavlović banka je u međuvremenu prodana ali su računi ostali u funkciji isto kao i u ranijem periodu samo je naziv banke promijenjen od 08.11.2019.godine. Nisu potpisivani novi ugovori sa bankom.

-INTESA SANPAOLO, broj žiro računa je 154-360-20087271-52 za redovno poslovanje,

- NOVA banka broj računa 555-000-00450720-38 koji je bio aktivan do 08.07.2020. godine kada je zatvoren jer su utrošena namjenska sredstva Grada Bijeljina za izgradnju treće ćelije.

Aktivna je blagajna za gotovinska plaćanja po sitnim računima (takse, putne akontacije, putarina, poštarina, dnevnice i sl.). Po odluci broj 01-20/20 od 10.01.2020. god. blagajnički maksimum je 300,00 KM.

Napomena br. 13 (AOP 501)

Ukupni prilivi iz poslovnih aktivnosti su 1.831.525 KM i to:

- prilivi od kupaca, plaćanja na osnovu faktura	1.711.345 KM,
- priliv od Fonda za zaštitu životne sredina	20.000 KM,
- ostali prilivi (povrat neiskorištenog poreskog kredita – UIO)	100.180 KM.

Napomena br. 14 (AOP 505)

Odlivi gotovine iz poslovnih aktivnosti, iznos 1.139.854 KM, su:

-plaćanja dobavljačima po ispostavljenim fakturama, osim za ulaganja u osnovna sredstva, iznos 552.366 KM,

- isplate ličnih primanja zaposlenih u skladu sa važećim propisima, isplate naknade članovima Nadzornog odbora, članovima Skupštine, komisije i ostala lična primanja iznos 493.373 KM. Svi odlivi po osnovu ličnih primanja odnose se na obračunski period.

- akontacija poreza na dobit iznos 3.891 KM,

- ostali odlivi iz poslovnih aktivnosti iznos 90.224 KM obuhvataju uplate obaveza po mjesečnim PDV prijavama, po obračunima (po obrascima PP ON, PVN), komunalna i republička taksa, ostale takse, troškovi platnog prometa, revizije, članarine komorama, registracije i sl.

Napomena br. 15 (AOP 513, AOP 520, AOP 527 i AOP 532)

Prilivi iz aktivnosti investiranja i finansiranja, iznos 7.355 KM, su naplaćene kamate od kupaca.

Ostali odlivi su po osnovu:

- nabavke novih osnovnih sredstava i ulaganja u novu ćeliju, ukupno 289.943 KM i

- povrata dijela sredstava Opštinama osnivačima, u ukupnom iznosu od 303.656 KM, što je otplata dijela obaveza koje su stvorene aktiviranjem mjenica za otplatu kredita.

Na bazi svih navedenih podataka izvedeno je stanje priliva gotovine, u ovom obračunskom periodu, u ukupnom iznosu od 105.427 KM. Stanje gotovine na kraju obračunskog perioda je 302.836 KM (iznosi su bez decimala u skladu sa Pravilnikom o sadržini i formi obrazaca).

Napomena br. 16 (povezana lica)

Prema izmjenama Zakona o javnim preduzećima (sl. gl. RS br. 78/11) i MRS 24 Javno preduzeće je u obavezi objavljivanja transakcija sa povezanim licima. U skladu sa članom 3 Zakona o javnim preduzećima povezanim licima se smatraju zaposleni, zastupnici i imenovana lica u nadzorne odbore i odbore za reviziju te napominjemo da sa istim nije bilo poslovnih transakcija. S obzirom da su nam osnivači Opštine, a iste su većinski vlasnici u sledećim preduzećima, sa kojima smo imali aktivan poslovni odnos tokom 2020 godine smatramo povezanim licima: AD Komunalac, AD Vodovod i kanalizacija, Direkcija za razvoj grada Bijeljina, Vatrogasna jedinica Bijeljina, JIP SIM Bijeljina, Patriot Bijeljina, JKP Čistoća Lopare, Kompred AD Ugljevik i JKP Teočak.

U skladu sa kontnim okvirom transakcije sa navedenim preduzećima knjiže se na posebna konta-povezana lica i sa njima nije bilo poslovanja po povoljnijim uslovima, sve je rađeno na bazi ugovora i važećih cjenovnika kao i za ostale komitente. Tokom ovog obračunskog perioda aktivirane su mjenice garanata po kreditima tj. Opština osnivača i izvršena je naplata dospjelih rata kredita koje Preduzeće nije izmirilo, pa su povećane obaveze prema Osnivačima. U ovom periodu je izvršena naplata 20. i 21. rate Početnog kredita WB IDA 36720, 10. i 11. rate Dodatnog kredita WB IDA 36721 i 7.8. i 9. rate Zajma WB IBRD broj 76290 BA od Opština osnivača, ukupno 851.478,99 KM od čega je izvršen povrat dijela tih sredstava na račune Opština u skladu sa mogućnostima Preduzeća (ukupno je vraćeno 303.655,60 KM, uglavnom preko multilateralne kompenzacije).

Napomena br. 17 (stanje tužbi)

U toku ovog obračunskog perioda Preduzeće nije pokrenulo ni jednu tužbu.

Tužbu protiv JP „EKO DEP“ doo pokrenula je Općina Čelić radi isplate duga po osnovu aktiviranih mjenica za otplatu kredita (datum prijema tužbe u sudu 15.03.2019. godine) što je nama dostavljeno tek 23.10.2019. godine (protokol 01-1329/19). Preduzeće je uputilo odgovor na tužbu br.59 0 Ps 034053 19 PS Okružnom privrednom sudu Bijeljina dana 31.10.2019. godine (protokol br.01-1365/19). Tokom 2020. godine bilo je zakazano pripremo ročište ali je zbog situacije sa pandemijom odloženo tako da do dana zavšetka obračuna nije bilo drugih aktivnosti po tom predmetu. Pravna služba je dala prijelog Nadzornom odboru za rezervisanje sredstava po osnovu tužbenog zahtjeva opštine Čelić, u skladu sa članom 28 Pravilnika o računovodstvu i računovodstvenim politikama (po procjeni 20% vrijednosti tužbenog zahtjeva) što je i usvojeno odlukom broj 07-19-110/21.

Tokom januara 2020. godine dostavljena je tužba broj 65 O Mals 818690/19 kojom je S list doo Sarajevo tužilo preduzeće na osnovu porudžbenice iz 2017. godine. Angažovan je advokat Dragoslav Perić koji je poslao odgovor na tužbu i drugih aktivnosti u ovom obračunskom periodu nije bilo po tom predmetu.

Napomena br. 18 (poreske prijave)

Urađena je godišnja poreska prijava poreza na dobit po kojoj je iskazan poreski dobitak u iznosu 263.459 KM, ali obzirom da imamo pravo prenosa poreskog gubitaka iz prethodnih perioda (iznos 164.797 KM) i pravo na umanjenje osnovice za ulaganje u proizvodnju (iznos 54.994 KM) osnovica za obračun poreza na dobit je 43.668 KM, a porez 4.366,80 KM . Akontacije poreza na dobit su redovno plaćane tako da će iznos poreza biti pokriven tim uplatama, a razlika će biti knjižena kao pretplata za naredni period. Preduzeće je u obavezi da uradi i godišnju prijavu kontrolisanih transakcije jer je promet sa povezanim licima prešao iznos 700.000 KM u skladu sa članom 13 Pravilnikom o transfernim cijenama.

Prijava poreza po odbitku (obrazac 11) nije rađena obzirom da nije bilo plaćanja stranim pravnim licima u ovom obračunskom periodu.

Napomene pripremila:

Vesna Jakovljević